

2

TENTAMEN MEDICUM,
INAUGURALE,
DE
ADMINISTRATIONE
ANTIPHLOGISTICA.

QUOD,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, SS. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORIS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit
RICARDUS SCOTT BYAM,
ANTIGUENSIS.

Soc. Med. Edin. Soc.

Summa medicina est non uti medicamentis.

CELSUS.

Prid. Id, Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M,DCC,LXXV.

Juveni ingenioso,
Ricardo Dennison, Arm
mo diu sodali, familiari,
Amico certo,
offert Auctor.

Viro Illustri,
JACOBO ADOLPHO OUGHTON,
Balnei Equiti,
Britannicorum in Scotia exercituum
Praefecto,
&c. &c. &c.

Qui excelsae conditionis dignitatem,
Multis magnisque virtutibus propriis,
Naturae bonitate, humanitate, urbanitate,
Literarum, rerum, et hominum, peritia singulari,
Decorat, auget, amplificat ;
Cujusque vitae, publicae, privatae, secretae,
Ratio,
Omnibus laudabilis, amabilis,
Optimo cuique soli imitabilis,
Eminet ;
Propter spectatam, tempore, constantia, magnitudine,
Eoque quod ultro et nullo ipsi praemio proposito esse poterat,
Veram, laetabilem, gloriandam,
Qua se dignari placuit,
Amicitiam ;
Has, quales quales sint, studiorum
Primitias,
Exiguum, sed grati animi, testimonium,
Summa, qua decet, reverentia,
Dicat, dedicat, consecratque

RICARDUS SCOTT BYAM.

TENTAMEN MEDICUM,

INAUGURALE,

DE

ADMINISTRATIONE AN-
TIPHLOGISTICA.

QUI ab omnibus, in hac Academia florente, lauream medicam petentibus, specimen scientiae exigere noverit, is, cur a me quoque aliquid istiusmodi in medium afferatur, neutiquam inquireret: Idemque, si medicinam ipse forte coluerit, Administrationis Antiphlogisticae magni usus, et in morbis late patentis, haud ignarus, id futuri operis argumentum, ut levius aut cura medentis minus dignum, certe non culpabit.

A

Admini-

Administrationis Antiphlogisticae Notio.

Administrationem antiphlogisticam medici, regimen antiphlogisticum vulgo nominatam, paulo latiore vocis significatione, medicamenta quoque antiphlogistica comprehendere, et sic Primi Consilii Culleniani, nimiae actioni febrili moderandi *, partem priorem totam † ad hanc rem pertinere, existimaverunt. Verum, quia vocabuli Administratio sensus medicamenta omnia, omnem apparatus pharmaceuticum, manifesto excludit, remque ad antiquam medicinae divisionem, quae Pars Diaetetica appellabatur ‡, fere revocat; igitur, quicquid ex officina petitur, id omne, cujusmodi sunt refrigerantia § medicamenta et alvum purgantia,

* Prim. Lin. CXIX.

† Ibid. CXX. 1. CXXI. 1. 2. 3.

‡ Cels. Praefat.

§ Cullen. Pr. Lin. CXXVII. CXXVIII. CXXIX.

tia *, et chirurgi manus †, rejiciendum est. Denique, haec curationis pars ea est, quae nihil ipsa faciat, nullum auxilium adferat, et tantum, quod ad unam rem, nempe nimiam corporis actionem febrilem, attinet, hanc augentia vitet, eoque eatenus tantum cavenda caveat. Quod si, medicamentis quibuscvis, et nominatim refrigerantibus, rejectis, potestatem tamen refrigerantem, nempe frigoris usum ‡, recipere videamur, in ea re, nihil adversus normam nostram nosmet peccare; contra, ob id ipsum, hanc religiose observare, et etiam nihil facere eum, qui administrationem antiphlogisticam tractat, contendimus: Quin et, de supra et infra purgatione, quam stimuli cavendi causa postea tractabimus, idem fere dicendum est. Quis enim adeo Musschenbroeckii, de frigore, ut potestate activa, placito imbutus est, et caloris verae naturae ignarus, ut summum, quod aut notitia aut conceptu

* Cullen. Pr. Lin. CXXXVII. ad CXLIII.

† Ibid. CXXX. ad CXXXVII.

‡ Ibid. CXXVI.

4 DE ADMINISTRATIONE

conceptu comprehendimus, frigus, tantum imminutum calorem esse, nesciat? Praecipiendo igitur frigus, calorem vetamus. Sic administratio antiphlogistica quid non fit praefatus, ut quid sit dicam;

Est irritamenta, quae pauciora aut plura, magisque aut minus, corpora nostra semper fere exercent, vitare.

Ejus Partes, sive Irritamenta vitanda.

Irritamenta vitanda, sunt, impulsus sensus nostros afficientes, corpuse aut animum commoventes, quosve alimentum assumptum dat. Hi constantius, nec omni ex parte vitandi, eoque intra modum tantummodo retinendi, urgent: Sed et alii, minus perpetuo, et casu tantum, aut occasione febris exortae data, occurrentes, eandem medici curam postulant.

Constantiores, et minus ex toto evitabiles, impulsus sunt ii, qui, 1. Organa sentienti; 2. Motricia corporis, afficiunt: 3. Animum

nimum commoventes: 4. Ex cibo et potione orientes. Ex minus perpetuis impulsibus; 5. Sitis; 6. Crudorum ventriculo; 7. Stercoris intestinis, retentorum; 8. Communis humorum acrimoniae, stimuli fugiendi sunt*. Hi omnes cum corporis humani actionum necessitatibus conjunguntur, aut ex motibus ejus sponte sua profluunt: Nam, ut corpus nostrum non potestatibus sibi propriis insitisque continetur†, id est, non merum *αυτοματον* est, sed innumerarum rerum externarum, inter quas versatur, impulsibus, quibus excitetur, assidue eget, et sine quibus non somno solum, sed et morte, exciperetur‡; id est, ut cerebri actio, licet reliquarum fons et origo sit, tamen, corporeis, quos ipsa gignit, motibus, invicem ad se sustentandum, hique externis illis impulsibus, egent; et quoniam hi, prout parum nimisve, aut justo modo, praveque aut recte, ad-

* Cullen de febris curatione passim.

† Gaub. Pathol. 4. 5.

‡ Ibid. 6. et Cullen. praelect.

6 DE ADMINISTRATIONE

admoventur, sic motus ex iis pendentes iusto minores aut majores, aut alioquin inordinatiores, contrave, debito modo, edent, adversamque aut secundam valetudinem dabunt; ideo, iidem impulsus, sic inevitabiles, et, pro modo aut ratione agendi, salutares aut perniciosae, summam medici curam postulant, et nusquam quam in febrili motu magis, ubi cerebri actio, et omnes ab eo pendentes corpori proprii motus, sponte sua ad perniciosum excessum vergunt,

“Egent moderamine forti.”

Horum impulsuum administratio, ut ad quos morbos affectusve morbosos pertineat, uno verbo dicam, adversus diathesin phlogisticam, ubicunque, sive idiopathice, sive symptomatice, incidit, dirigitur; ideoque, omnia dehinc dicenda unum consilium spectant; nempe cerebri actionem, sponte nimiam, augentia quaedam, scilicet irritamenta jam enumerata, qua datur, vitare; id est, iis rite moderare,

CAPUT I.

Impulsus Organa sentiendi afficientes esse vitandos.

Externorum sensuum impulsus, ut corpus stimulant, ejusque vim agendi sustentantes, iique potissimum qui constantius fiunt, vehementiores sunt, doloremque aut molestiam creant, imprimis sunt vitandi.

Licet impulsus externi, aut in sentiendi instrumenta agentes, non omnium nostrorum motuum origo sint; tamen, ut dictum est, quia hos maxime sustentant, mutationumque plerarumque in corporibus nostris motuum causa existunt, et sic potenti stimulo non esse non possunt; ideo, maximeque cum ad doloris aut molestiae modum assurgunt, vitandi cavendique sunt. Hoc consilio, tactus irritamento moderandum est, corpore, quoties morbi genus postulat, aequaliter et molliter disposito; et quoties ulla capitis pars, aut inflammatione, aut ad hanc ver-

8 DE ADMINISTRATIONE

vergente vaforum plenitudine, afficitur, ad-
versus eum affectum positura erecta juvat.
Contrarium affectum, scilicet ubi deficiente
impetu sanguis per carotides ascendit, quod
saepe in typho fit, supinus corporis habitus
sublevat ; hicque pedes aequae ac caput altae
servandae sunt. Sapor negligi potest, quia,
qua noceat, rara vixve ulla occasio sese of-
fert. In febrilibus morbis temnendus quoque
odor est, nisi quatenus ejus causarum unam,
quae hujus loci non est, nempe putredinem,
fugere oportebit. Qui utique sensus in mag-
na corporis mobilitate, qualis hysteriam con-
tinet, aut in asthma et epilepsia fit, noxae,
et aliis aliarum rerum odor, est. Item in
hujusmodi affectibus, et extra eos, tales non-
nullorum temperamenti proprietates sunt,
ut rerum non male, contra saepe bene, aut
etiam suave, olentium, cujusmodi rosa est,
odor saepe offendat. Ejus rei causam non
hic loci attingam. Quod quoties fit, no-
centium odorum effectus irritans omni cura
cavendus est. Visus quoque et auditus,
quia

quia magno saepe irritamento sunt, in iis omnibus affectibus, qui cerebri irritationem esse, aut sanguinem in ejus vasis percitari, indicant, fugiendi, tenebraeque et silentium quaerenda. Estque his in ophthalmia, licet unus tantum oculus laboret, eo etiam opus, quod oculi integri lucique patentis motiones alterum obligatum afficiunt. Hujus rei cautio, in calore febrium, quibus omnibus, aut illa irritatio et sanguinis incitatio, aut earum periculum plerumque subest, semper fere prodest. Eadem, in affectibus nervosis, nimia mobilitate et sensibilitate constantibus, ubi aut morbi pars est, aut ad accessiones reducendas, illorum sensuum excessus, pertinet, utilis esse solet.

Caloris sensum vitandum esse.

Quoniam calor nimius, in omni corporis, five totius five partis, irritatione et sanguinis incitatione, has summopere adauget, eoque omnium stimulorum nocentissimus est;

B

ergo,

ergo, ejus in hac parte ratio summa habenda est.

Cum calor animalium corporum stimulus ille sit, quo vita ipsa excitata est, et semper deinceps praecipue continetur, ideoque eum procreandi facultate corpora nostra praedita sint; quia tamen nimius, nisi ei externus moderaretur, facile exoriretur, ergo multo minore externo opus est. Idoneus calor externus is est, qui gratus sensui est, et sine incommodo perfertur. Gratus is commodusque calor, in aliis orbis regionibus alius, in hac LXII. thermometri Farenheitiani gradu notatur. Quem infra, omnis coeli temperies frigus, supra, calor adpellatur. Ex hoc externi caloris gradu, eoque quem corpora nostra viribus suis generant, constans ille noster, qui XCVIII. ejusdem thermometri gradu notatur, ita constat, ut, si externus infra gratum gradum, quem, alibi alium, punctum frigori et calori medium dicās, decidat, nisi igne, veste, domo, defendatur, genitus corpori cum periculo aut noxa imminuatur: Et, e contrario, temperiem exter-

nam

nam punctum medium superantem, altera incommoda et noxae, haud tam facile mendenda, subsequuntur. Caloris igitur nostri iusta ratio, ea est, quae ex medio illo externo, eoque quem sanum corpus edit, composita; utrovis aucto, mutatur. Si corporeus, vi generatrice excitata, augetur, externum non solum non augendum, sed, quo certius libramen fervetur, imminuendum esse, apparet. In calidis regionibus, ubi solitus calor medium punctum superat, id difficile factu est. Ibique, adversus calorem externum, vix aliud quidquam experiendi copia datur, quam ut locum, ubi aegrotans est, aqua frigida spargas, plantarum foliis recentibus, humorem exhalantibus, obducas, et immisso aëre perfiles. Hic aliquis forte aegrotantium, praeque caeteris febricitantium, in calidis regionibus ardentibusve, qualis illa plagae Torridae est, miseram sortem esse existimet; a quibus, magni caloris externi arrendi, tam tenuis sit potestas. Verum is, id, ut videatur, incommodi, aliis rebus satis forsitan superque, in plerisque casibus, pensari,

fari, et faltem, quod rei praesentis refert, actionem corporis nimiam, rarius quam hic, incidere, attentius reputando, comperiet. Nam illic neque insitus corpori calor tantus, quantus hic, et in similibus orbis tractibus, est, neque morborum genera tam in reactionem caloremque febrilem vehementem, quam in collapsum seu incitationem deficientem, et generis nervosi debilitatem, inclinant. Cumque ubique fere, quae fuit doctrinae alexipharmacae permanens, estque adhuc anilis pervicaciae, contagio, plus detrimenti a corporis circa se calore accumulato, quam a rectis Phoebi radiis, accipiatur; videamus deinceps, qua ratione insito hominum animis praejudicio obviam iri, et, quisquis sit externus, aut quoquo modo libretur, calori interno nimio resisti possit. Ergo, data externa temperie, scias, potestatis genetricis effectum, nempe calorem genitum, eo majorem aut minorem fore, quo magis corpus tegatur, aut aëri aperto magis objiciatur; item, prout vestis materia magis aut minus cohibeat calorem; tum quo strictius aut laxius ei vestis

cir-

circumdetur; denique, ratione vestis corpus tegentis data, prout vapores e corpore dimanantes longius, aut contra, ab omni in corpus redeundi periculo prohibiti, auferantur. Ad caloris igitur irritamentum arcendum, leviter homo tegendus est; cujus rei ratio temperiei coelestis ratione dirigenda est: Dein, quod ad vestis materiam pertinet, linea quam lanea minus calorem retinebit: Tum laxius circumdanda vestis est, et pars aliqua, ut manus, quo spiraculo aufugiat calor, denudanda: Denique, sive ambiens calor, sive arte factus, ut ignis, exiguum cubiculum, fenestrae opertae, adstans turba, vapores circa aegrotantem concludit, et aëra corrumpit; purgato cubiculo, aut homine e lecto educto, qui mos Sydenhamianus fuit, tollenda talis noxa est. Verum haec caloris fugiendi cura, tum solum adhibenda est, cum consilium est, ut nunc, vim stimulatricem et caloris nimii effectus cavere, nec aliud eum usum vetat. Itaque, in febribus cum habitu inflammatorio, in phlegmasiis et haemorrhagiis, maximeque omnium in variola, sic aegrotanti consulendum est; ubi, postquam

quam calor febrilis coepit, et quamdiu durabit summam frigoris rationem haberi convenit: Et quoties, ut in phthisi pulmonali, et quibusdam aliis casibus, fit, perspirationem sustentare consilium est, frigori et calori media temperies requiritur. Quid in frigore febrili, aut incipiente tantum calore, faciendum sit, quantumque caloris, cujus aliquanto certe opus est, adversus incipientem, quem omne frigus auget, spasimum, conveniat, non nostrum dicere est. Verum, ab hoc vitandi caloris praecepto, duo excipiuntur; sudoris, ubi eo opus est, et balnei usus. Cum per vim medicatricem res eo pervenit, ut sudor sponte coeperit, is, eo caloris, quod alioquin noxae foret, adhibito, firmandus videtur. Qua in re, plus boni vasorum extremorum repletio, relaxatio, et sic spasmi atoniaeque, hunc firmantis et reducere periclitantis, solutio, quam calor mali, praestat. Neque balnei, quod ad eadem vasa extrema humores allicit, et ad totum summum corpus relaxandum plurimum potest, calor, eo commodò facile pensandus, metui esse debet.

His

His exceptis, non solum ad punctum medium, sed, quo magis vis genetrix pensetur, etiam infra, calor deducendus, et absoluti frigoris aliquantum adhibendum, in plerisque casibus, videtur.

C A P. II.

Corporis motum vitandum.

Praeter irritamenta, quae impulsus sentiendi organa adficientes et calor objiciunt, corporis motum omnem, maximeque eum quem ipsius musculi peragunt, vitare, ejusdem est consilii. Motus muscularis sanguinem per venas reducem, et sic toto corpore, percitando, vasisque ubique tensionem dando, vim stimulatricem augeat necesse est: Eo autem magis nocebit, quo plures in actionem musculi conjiciuntur; ideoque, pessima ambulatio, minus mala statio, melior, ubi paucissimi musculi exercentur, jacendi habitus reperitur. Cumque omnis hujusmodi

modi motus irritamento fit, idque semper in cerebrum directum, tanto magis irritet, quanto debilitatis plus subest; ideo, incipiente omni febre, sive ea inflammatoria, sive nervosa, futura est, quam maxime motu abstinuisse, salutis, contra, usum eo esse, noxae, et forsitan perniciiei etiam, erit. Estque haec prima a regula Sydenhamiana exceptio; nam in omni typho, licet eo magnitudinis ut defectio animae sequatur, habitus erectus effectu non procedat; tamen nocenti irritamento est, et in eadem febre, quantumvis adversus habitum inflammatorium frigus, cuius causa requiritur, fere valeat, minime permittendus est. Quodque ad omnem motum attinet, quoniam nunquam peiores et exitiales magis typhi, quam post primorum dierum exercitationem laboremve, exoriuntur; ideo, quamprimum quamque maxime quievissse, salutis futurae plurimum intererit. Adeoque omnis motus nocet, ut ipsum loquendi negotium, quod exiguam corporis partem, nempe spirando inservientes musculos, movet; tamen sanguinem per pulmones

difficile, labascente memoria, cogitatur, quale in somnum incidenti fit, ubi aliquid forte loquens homo, priusquam ad sermonis finem pervenit, primam partem, eoque sententiae nexum, obliviscitur: Dein, praeter hoc, animi notiones, a re de qua mens agit alienae, interveniunt: Postremo, nihil ordine, omnia perturbate animo feruntur, et,

————— Velut aegri fomnia, vanae
Finguntur species.—————

Hoc delirium est in quod maxime proni aegrotantes sunt, cum rerum externarum impulsibus destituuntur, ut in tenebris et silentio relictī, et solita neque audientes, neque videntes. Cujus advenientis initiis occurrunt solita eorum sensibus iterum obiecta, ut proximorum iis redditus conspectus, vocis familiaris sonus auditus, lecti et cubi- culi nota species: Cui utique solitorum impulsuum renovationi certi fines statuti sunt, quae, nisi dextere administrata fuerit, ad animi species, delirium aucturas, ducet.

C A P. IV.

Alimenti stimulus vitandum.

Alia quoque irritamenta victus dat. Digestionis opus manifesto corpus stimulat; qui stimulus, toties quoties recens materia assumpta est, renovatur. In nemine non pulsus, et in multis ad febris modum, post alimentum acceptum, percitantur. Hic igitur, ut noxius stimulus, in justa febre, ne febris febris quasi addita, omnia in majus conturbet, quantum fieri potest, vitandus est.

Quod ad cibum attinet; eo toto, in aliquod tempus, abstinuisse, usui esse potest. Antiqui tridui abstinentiam febrium initiis praeceperunt: Quod utique, in febribus diu permanfuris, corporis debilitatem augendo, noxae esse periclitatur. Post igitur eam, quam res ferat, abstinentiam, quoniam duobus nominibus, ad irritamentum, quod cibi desiderium creat, tollendum, vireique in morbi

morbi longitudinem reservandas, cibi aliquantum recte indulgetur; ejus tamen stimulus, materiae generis delectu habito, cavendus est. Ideoque, cum caro et ex ea parata materia, ut magis alcalescens, magis stimulet, ita, ei e plantarum genere paratam materiam anteponere, consultius est. Naturam quoque ipsam a carne abhorreere, plerorumque febricitantium fastidium ejus docet. Stimulat quoque cibus magis aut minus, prout minus magisque solubili materia est. Hujus rei, ut in materia ex animalibus sumpta nullus, ita, in plantarum genere aliquis, delectus haberi potest. Rejiciendaque sunt olera, radices, et fructus, utpote quae minus solubilia sint, et farinacea eligenda videntur. Stimulat porro magis extra primas vias cibus, quo, altius corpus penetrans, ejus vasa magis adimplet. Alium addit stimulum difficilior ejusdem e corpore tandem transitus. Igitur caro, et ex hac parata, propter alcalescentiorem, alentiozem, et imperspirabiliorem naturam, fugienda sunt, iisque e plantarum genere paratae materiae,

teriae, quarum contraria natura est, antefere-
rendae ; eoque magis, quod hoc cibi genus
praeparatione solubilius fit. Quae praepa-
ratio dilutio est. Sic farinacea diluta, et u-
vis passis et rebus acescentibus condita, huic
rei accommodatissima, victus febricitantium
ubique est. Quae hic de cibo dicta sunt, ad
omnes morbos febriles, quos diathesis phlo-
gistica, aut plethora communis, turgensve
in cerebri vasis sanguis, continet, febresque
continuas, pertinet. Quod ad intermitten-
tes attinet, in iis, tempore apyrexiae, neque
diatriton, neque nobis praecepta abstinentia,
ullum locum obtinet ; et, e contrario, quam
plenissimus victus tonicis, illarum curationi
convenientibus, annumerandus est*.

Potionum quoque stimulus cavendus est.
Hujusmodi stimulum possident, potiones a-
romaticae et spirituosae, vinosae, item fer-
mentatae, nisi maxime imbecillae. Quarum
omnium usu interdicens omnibus est,
nisi iis, quorum prior consuetudo aliquan-
tum,

* Cullen. Pr. Lin. CCXXVI.

tum, quod rarum est, hujusmodi potionis, necessarium reddit. Ac, ne tectum quidem, id est, dilutum, alcohol, tutum est; nisi quod, si ciborum et potionum comparationem instituas, vini cyathus impune magis, quam carnis uncia, feretur, et breviori stimulo erit. Hoc concessio, si quando potionis meracis quid dandum est, id, acidi aut materiae acescentis copia, corrigendum est. Quoniam autem, propter stimulum, potiones vetamus; igitur, quae minimum stimuli habent, quales, sitis extinguendae causa, quotidie adhibentur, earum usu nemini interdicens causa est. Hinc recte in vario-
la Sydenhamus cerevisiam imbecillam permisit. Verum, neque hujusmodi potiones absque cautione sunt; siquidem et qui non iis assuevit, copia modica, et assueto, immodica, nocere potest. Tutiusque ab omni parte, ut quam maxime mitia, dummodo sitis restinguendae accommodentur, potui-
dentur. Cui rei nihil aqua, cui acidi aliquid, quo gratior sit, adjectum, aptius repertum est. Neque eo ab acidis, quod non-
nullis

nullis fanis noceant, metuendum est, siquidem in morbis febrilibus facillime omnibus tolerantur.

Hae omnes irritationis causae, quo constantius admoventur, et ad plures morbos pertinent, eo majori cura cavendae videbantur; sed, praeter eas, aliae in febribus per occasionem ita suborientes, ut ultra illas vix reperiantur, animadversionem quoque merentur.

C A P. V.

Sitis stimulum vitandum.

Irritamentorum hujusmodi in numero sitis est. Ea, ut potens stimulus, fuganda procul dubio est; neque antiquorum, qui, circa febrium initia, ad summum saepe cruciatum, potionem negaverunt, nec ante sudorem coeptum, aut calorem saltem provectum, in febribus intermittentibus dederunt, consuetudo imitanda est. Quin et,
sti-

stimuli tollendi causa, non potio solum, sed ea quae sitim maxime demit, nempe frigida, et libera manu, permittenda est. Haec de siti observatio, in uno etiam casu, ubi aegrotans illam non queritur, nempe delirio, locum habet; in quo, si causa sitis subest, licet ejus non conscius homo sit, aut non roget, aut ultro oblatam respuat potionem, fumere tamen cogendus est. Praeceptum de siti restringenda, alioquin perpetuum, duas cautiones habet: Nam, in hac et similibus regionibus frigidis, adversus eos affectus, quos habitus inflammatorius sustinet, perquam frigida, ne eum habitum augeat, abstinendum, et tepida potio danda. Quae ulterius inculcanda non est, neque ad eos casus febrium, ubi aut debilitas praevalet, aut putredo, hujusve periculum subest, is usus extendendus. Quod ad alteram cautionem attinet, licet largas potiones convenire dictum sit, tamen neque hoc praeceptum exceptione caret; siquidem tanta saepe sitis est, ut, si desiderium explere velis, spiritui ventriculi plenitudine officiendi, et

rerum

rerum per pylorum transmissum prohibendi, adeas periculum; quod, ubi fiet, parcius, sed saepius, ingeri frigidam oportet.

C A P. VI.

Cruda et corruptos humores ventriculo ejiciendos.

Cruda, aut humores in ventriculo corrupti, memorabiliter quoque stimulant. Quae, licet non, ut nonnullis placet, justam febrem faciant; tamen, quia aliunde factam augent, decedentem reducunt, et ipsa febrilem statum satis manifestum inferunt, emeticis et diluentibus rejici oportet. Quam late cum reliquo corpore ventriculus consentiat, quantumque cum summi illius vasis hujus fibrae motrices mutua actione conjungantur, neminem, medicinae paulo peritiolem, latet: Ideoque, quomodo cruditatum causa solita, nempe ventriculi atonia, aut idiopathica aut symptomatrica, similem in summo corpore

D

atoniam

atoniam indicet, aequè manifestum est. Vomitus autem, ventriculi fibræ tonum restituendo, summi corporis vasculis restituet.

C A P. VII.

Stercus durum dejiciendum.

Tertium stimulo est, stercus præter naturam intestinis retentum et durefcens. Non solum totus canalîs alimentarius cum toto corpore, cum alias, tum tensione mutua, sed hac quoque, et insigniter, exiguus intestinorum amplorum tractus, connectitur. Paululum ventî intestinis conclusum quantae molestiae sit, emissum quanto levamini, nullus non expertus est. Verum, ut molestiam tensio justo major, ita, imminuta levamen, adfert. Similique, sed vehementiore, modo, stercus durefcens, in intestinis retentum, stimulet, ablatum, simile lavamen det, necesse est. Adversus igitur hunc, in febribus et febrilibus malis, stimulum, clysteres laxantes utendi sunt; qui materiam,
mole

mole et acrimonia offendentem, ejiciendo, utilissima administrationis pars sunt, nec unquam, quoties iis opus est, prudenti medico negligendi.

C A P. VIII.

Communem humorum acrimoniam vitandam.

Quartus stimulus, in febribus et febrilibus malis semper suspicandus, est humorum acrimonia communis, hinc motu et calore aucto, illinc excretionibus imminutis, genita. Ad hujus tollendae curam pertinet, ejusdem in canali alimentario curandae ratio. Ita prima spasmi vasorum cutis formatio ventriculi actionem impedit, cibique fastidium, aut nullum desiderium, nauseamque excitat. Hinc, quamdiu spasmus manet, impeditus ventriculus nihil ejiciet, indigesta in eo manebunt, proprii ei liquores cumulantur, et affundetur saepe bilis. Quorum, praeterquam quod vomitu, ut nocens stimulus

lus

lus et febrem augens, sicut jam relaturn est, rejicienda sunt, acrimonia diluendo frangi debet. Item, duri stercoris et aliarum in intestinis haerentium rerum, qualis liquor intestinalis, humores corrupti ventriculo elapsi, et bilis affusa stagnansque, quod saepe fit in febribus, acrimoniam, clysteribus aut dilutione, modo memoratis, obtundere utile est. Communi quoque humorum in vasis fluentium acrimoniae eadem dilutio, vasa ad extremos fines implendo, et excretiones expediendo, remedio est. Quae autem ejus temperies esse debeat, et quomodo agat, supra, in capite primo, dictum est.

Huic opusculo finem imponens, moxque doctissimae et dilectissimae Academiae huic nostrae valedicturus, medicinae in ea Professoribus, ob artis praecepta, quae, quatuor jam annorum spatio, egregia pariter et utilia discendi mihi copiam praebuerunt, propterque humanitatem qua me exceperunt; praecipue vero Culleno, qui mihi simul amicus, simul medicus, simul Praeceptor egregius fuit, cuique, si quid rectius aut bono

no

no hominum accommodatius haec charta habet, praeterea acceptum referendum est, defectusque et errores incuriae aut imperitiae meae tribuendi; item Joanni Hope, Botanices Doctori, artis suae peritia spectato, propter egregiam ejus in me voluntatem, animumque vere amicum; postremo, Societati Medicae, ob disciplinae medicae exercitationem usumque, quem percipiendi mihi pulcherrimam facultatem illius ^{per}differtationes largitae sunt; tantorum beneficiorum, cum summa caritate conjunctorum, nullo die immemor futurus, ex animo gratias ago.

F I N I S.

